

## 受姓源流考

陳出自胡公滿 滿嬀姓 遂之子也 遂名閼父 虞帝大舜之裔 周武王時 爲陶正 武王克殷 大封帝王之後 滿以舜裔 受封於陳都宛邱 以奉舜祀 且以元女太姬妻之 成王九年 滿卒 諡胡公 胡公生犀侯 皋羊 犀繼胡公立 是爲申公 皋繼申公立 是爲相公 相公卒 申公之子孝公哭立 突生慎公 圉戎 圉戎生幽公 寧 當周厲王時 慎公卒 幽公立 幽公十二年 周厲王奔於彘 二十三年 幽公卒 子釐公孝立 孝生靈 靈生說 說生燮 釐公六年 周宣王即位 三十六年 釐公卒 子靈立 是爲武公 在位十五年 武公卒 子說立 是爲夷公 是歲 周幽王即位 夷公三年卒 弟燮立 是爲平公 平公七年 周幽王爲大戎所殺 周東遷 秦始列爲諸侯 二十三年 平公卒 子文公圉立 圉妻齊女

生鮑 娶蔡女生佗 文公在位十年卒 子鮑立 是爲桓公 生四子 長太子免 次躍 次林 次杵臼 桓公二十三年 魯隱公立 三十八年桓公卒 弟佗之母蔡女 故蔡人爲佗 殺太子免而立佗 是爲厲公 厲公三年生完 字敬仲 周太史過陳 厲公使以周易筮之 得觀之否 田陳衰此 其昌乎 七年太子免之弟林 令蔡人誘厲公殺之而立躍 是爲利公 利公耆完公子也 利公卒 弟莊公林立 莊公卒 弟宣公杵臼立 宣公三年楚武王卒 楚始強 十七年 周惠王娶陳女爲

後二十一年宣公有嬖姬生子款 欲立之 乃殺其太子禦寇 禦寇素愛公子完 完懼禍 乃奔齊 齊三十七年 齊桓公伐蔡 侵楚 至召陵 四十五年 宣公卒 子款立 是爲穆公 穆公五年 齊桓公卒 十六年晉文公敗楚 師於城濮 是歲 穆公卒 子共公朔立 朔生靈公平國 平國生成公午 共公立年楚商臣弑其君 十八年共公卒 子靈公立 靈公在

位十五年卒 子成公立 成公元年冬 楚莊王率諸侯伐陳 因縣陳申叔時諫曰 鄙語有之 牽牛以蹊人之田 而奪之牛 蹊則有罪矣 而奪之牛 不己甚乎 今王征兵諸侯 以義計陳已而取之 以利其地 何以令天下 莊王曰 善 乃迎成公於晉而君陳 孔子讀史至此而歎曰 賢哉莊王 輕千乘之國 而重匹夫之一言 二十八年楚莊王卒 二十九年陳倍楚盟 三十年楚共王伐陳 是歲 成公卒 子哀公弱立 楚以陳喪 罷兵去 哀公三年 楚圍陳 復釋之 二十八年 楚公子圍弑其君自立 爲靈王 三十四年初 哀公娶鄭長姬 生悼太子 師 少姬生偃 二嬖妾 長妾生留 少妾生勝 留有寵於哀公 哀公屬其弟司徒招 哀公病 招殺悼太子 立留爲太子 哀公怒欲誅招 招發兵圍哀公 哀公自經 招卒 立留爲陳君 四月 陳使使赴楚楚 靈王聞陳亂 乃殺陳使者 使公子棄疾發兵伐陳 陳君留奔鄭 九月 楚圍陳 十一月 楚滅陳 使使棄疾爲陳公 招之殺悼太子也 太子之子

名吳 出奔晉 晉平公問太史過曰 陳遂亡乎 對曰 陳頊之後 陳氏得政於齊 而後陳卒亡自幕 至於瞽 無違命舜 重之以明德 至於遂世世守之 及胡公周賜之姓 使祀虞帝且盛德之後 必百世紀陳之世 未也其在齊乎 楚靈王滅陳五滅 公子棄弑靈王 代立 是爲平王 平王初立 欲和諸侯乃求故 陳悼太子師之子吳 立爲陳侯 是爲惠公 七年 陳火十五年 吳王僚使公子光伐陳 二十八年 吳王闔閭與子胥敗楚人郢 是年 惠公卒子抑立 一名柳 是爲懷公 懷公元年 吳破楚 在郢召陳侯 陳侯欲往 大夫曰 吳新得志 楚王雖亡 與陳有故 不可背懷公 乃以疾謝吳 四年 吳復召懷公 懷公恐如 吳 吳怒其前不往 留之因卒吳 陳乃立懷公之子超 一名越 是爲緡公 緡公六年 孔子適陳 吳王夫差伐陳 取三邑而去 十三年 吳復伐陳 陳告急于楚 楚昭王來救 軍于城父 吳師去 是年 楚昭王卒 於城父 時孔子在陳十六年 夫差伐齊敗之艾陵 使人召

陳侯 陳侯恐如吳 楚伐陳 二十一年 齊田常弑其君 簡公二十三年 楚白公勝殺令尹  
子西 子期劫惠王 二十四年 楚惠王復國 以兵北伐陳 殺緡公 遂滅陳 緡公之子衍  
避居于陽武戶牖 時周敬王四十二年也 衍生璉 生珣 周貞定王十六年 敬仲之後改  
姓田氏 得政於齊 盡官其兄弟宗人 璉珣皆往仕焉 周考王六年 衍卒 璉歸奉宗祀  
生履輝 履輝生周昌 周安王十三年 田和求爲諸侯 魏文侯請于王 王許之 周昌復仕  
齊爲令尹 三年民和政治 齊康公倚之 二十三年 齊康公卒 無子 田氏併齊有之 周  
顯王二十八年 周昌卒 周昌生裔 裔生伯承 仲丕 周道衰微民無定止 赧王四十五年  
範雎入秦 秦始橫行天下 五十六年 秦伐六國 是歲仲丕卒 伯承無子 仲丕生從善  
從吉 從吉往秦 秦拜爲上大夫 遂居秦 從善生德紹 德紹生述 有識量 當周亡 秦興  
之際 結納豪杰 人不敢犯 始皇三年卒 述生二子 長伯 以耕稼爲業 性及孝友 次平

氣貌衝粹 好讀書 治黃帝老子之術 伯爲耕田 縱平游學 伯妻嫉平不事產業 曰亦食糠覈耳 有叔如比 不如無有 伯醫如逐之及平長可娶人莫興者久之戶蒲富人張負見之曰 固有美如平 而長貧者乎 卒以女妻平 平既娶張氏 資用益饒 游道日廣 裏中社平爲分肉均 因歎曰 嗟乎 使平得宰天下 當亦如是肉矣 秦二世元年 陳涉起兵 平謝兄伯往事 魏王咎爲太僕 人人或讒之 亡歸項羽 懼羽虐 又亡歸漢 漢王與語大悅 使參乘典護軍從擊楚定漢 業凡六出奇計 漢王剖符封功臣 平封戶牖侯 更封曲逆侯 漢惠帝六年 拜左丞相 文帝二年卒 諡獻侯 平生原仁 襲侯爵 原仁生子元子逸 子逸從衛青伐胡有功 漢武帝時 拜驃騎將軍 子遠生澄 澄生與京 漢宣帝時拜員外郎 與京生子考 移家山陽瑕丘 元帝二年 石顯倡議先朝臣子功罪 考以與京之子亦收捕 家計因之一空 考生湯 湯少好書 博達善屬文 西至長安求官 得與富平侯張

勃交漢初元二年詔舉茂才勃舉湯拜爲郎與甘延壽同出西域湯沉勇多謀與壽計曰西域本屬匈奴無金城强弩之守如發屯田吏士從烏孫衆兵直抵其城下彼亡則無所之守則不足自保千載之功可一朝而成也壽然之即日破郅支城斬單于首及閼氏太子名王以下斬虜不計其數功上詔封關内侯食邑三百戶加賜黄金百斤卒於長安子二長馮封破胡侯次勲封討狄侯生成生晟晟生會可會可生琛當漢和帝二年拜司隸校尉竇憲專政刺史守令多出其門吏民共爲賂遺帝不能平欲誅之琛進曰機事不密則害成陛下耳目皆憲黨也願熱慮之帝曰然延光二年卒琛生嗣嗣生翔字子麟少知名太尉周景辟舉高第拜待御史時正旦朝賀大將軍梁冀威儀不整劾翼恃貴不敬請收按罪時人奇之遷定襄太守征拜議郎遷揚州刺史舉奏預章太守王永奏事宮中吳郡太守徐參在職貪穢並徵招廷尉參乃中常侍徐璜

之弟也 由此威名大震 補御史中丞坐黨事 卒於家 子實字仲弓 桓帝三年 推爲太邱  
長在鄉閭 平心率物 凡有爭訟 必求判正 曰 寧爲刑罰所加 毋爲陳君所短 當有盜伏  
梁上 實見之 呼其子曰 不善之人 未必本惡 習與性成 梁上君子是也 盜投地伏謝 有  
日 携子及孫同訪荀季和家 時德星見 太史奏曰 五百裏內必有賢人聚 卒於靈帝丁卯

諡爲文範先生云